



Adresa: **Ul. Hamdije Čemerlića 39a**
71000 Sarajevo
<http://www.voda.ba>

tel. +387 33 726 400
fax. +387 33 726 423
e – mail: info@voda.ba

Broj: **UP-1/21-3-40-198-4/23**

Datum: **12.06.2023. godine**

«Agencija za vodno područje rijeke Save» Sarajevo rješavajući po zahtjevu pravnog lica „PERUTNINA PTUJ-BH“ d.o.o. Breza za donošenje rješenja o vodnoj dozvoli za ispuštanje tehnoloških otpadnih voda sa lokacije proizvodnog objekta za preradu mesa sa pratećim sadržajima, izgrađenih u ulici Potkrajaska bb, općina Breza, na osnovu člana 109. stav (1) tačka 2. Zakona o vodama («Službene novine Federacije BiH», broj 70/06) i člana 200. stav (1) Zakona o upravnom postupku («Službene novine Federacije BiH», broj 2/98 i 49/99 i 61/22), donosi:

RJEŠENJE o vodnoj dozvoli

1. Pravnom licu „PERUTNINA PTUJ-BH“ d.o.o. Breza, daje se vodna dozvola za ispuštanje tehnoloških otpadnih voda sa lokacije proizvodnog objekta za preradu mesa sa pratećim sadržajima, izgrađenih u ulici Potkrajaska bb, općina Breza, na zemljištu označenom kao k.č. broj: 1070/1, 1070/3, 1070/4, 1466/20, 1466/21, 1466/22, 1466/24 i 1466/27 K.O. Mahala.
2. Ova vodna dozvola ne oslobađa podnosioca zahtjeva obaveze pribavljanja saglasnosti i dozvola od strane drugih nadležnih organa, a sve u skladu sa važećim zakonskim propisima, odlukama i dr.
3. Vodna dozvola se daje na osnovu činjeničnog stanja utvrđenog pregledom dostavljene dokumentacije i izvršenim uviđajem na objektu, pod slijedećim uslovima:
 - 3.1. Da pravno lice „PERUTNINA PTUJ-BH“ d.o.o. Breza, obezbijedi da se sistem za prikupljanje, prečišćavanje i ispuštanje tehnoloških otpadnih voda nastalih u procesu prerade mesa i objekti koji su izgrađeni u krugu predmetnog proizvodnog kompleksa na predmetnoj lokaciji, održavaju u funkcionalnom stanju i koriste u skladu sa namjenom i uslovima iz ove vodne dozvole.
 - 3.2. Čišćenje uređaja za tretman tehnoloških otpadnih voda i separatora kao i ostalog otpada sa lokacije predmetne klaonice može vršiti isključivo firma ovlaštena za tu vrstu djelatnosti, prema sklopljenom ugovoru. O načinu i vremenu radova održavanja, odnosno o pražnjenju, odvozu i zbrinjavanju sadržaja separatora masti, neophodno je voditi službenu evidenciju i arhivu.
 - 3.3. U toku važenja ovog Rješenja, korisnik predmetnih objekata je obavezan poduzeti sve potrebne mjere kako bi kvalitet tehnoloških otpadnih voda, a prije ispuštanja u recipijent, zadovoljio granične vrijednosti u skladu sa članom 15. stav (4) (Prilog 8.) Uredbe o uslovima ispuštanja otpadnih voda u okoliš i sisteme javne kanalizacije («Službene novine Federacije BiH», broj 26/20 i 96/20).
 - 3.4. Korisnik objekta je dužan, putem laboratorije ovlaštene od strane Federalnog ministarstva poljoprivrede, vodoprivrede i šumarstva, vršiti redovna ispitivanja kvaliteta otpadnih voda, uzimanjem uzorka efluenta iz okna za monitoring iza uređaj za tretman tehnoloških otpadnih voda u skladu sa članom 19. stav (4) Uredbe o uslovima ispuštanja otpadnih voda u okoliš i sisteme javne kanalizacije. Učestalost i način ispitivanja vršiti u skladu sa članom 20. Uredbe o uslovima ispuštanja otpadnih voda u okoliš i sisteme javne kanalizacije. Rezultate analiza dostaviti ovoj Agenciji.

Izveštaje o ispitivanju i ocjeni kvaliteta otpadnih voda može uraditi isključivo laboratorija ovlaštena od strane Federalnog ministarstva poljoprivrede, vodoprivrede i šumarstva po osnovu člana 64. stav (3) Zakona o vodama i Pravilnika o uslovima koje moraju ispunjavati referentne odnosno ovlaštene laboratorije za ispitivanje voda, sadržaj i način davanja ovlasti («Službene novine Federacije BiH», broj: 14/10, 14/13, 26/14, 23/17 i 41/20).
 - 3.5. Ukoliko Vlada kantona propiše dodatne (strožije) uvjete od uvjeta definisanih u Prilogu 8. Uredbe o uslovima ispuštanja otpadnih voda u okoliš i sisteme javne kanalizacije, podnosilac zahtjeva je u obavezi iste ispoštovati.
 - 3.6. Da korisnik obavezno praktikuje suho čišćenje prije pranja vodom, da bi se uklonile nečistoće sa radnih površina, trošilo manje vode za pranje i time smanjilo zagađenje u otpadnim vodama.

- 3.7. Da se kod pranja koriste sredstva koja su prikladna okolinskim zahtjevima.
- 3.8. Da se u skladu sa propisima iz oblasti zaštite okoliša, vrši bezbjedno skladištenje i postupanje sa opasnim materijama i otpadom nastalim na predmetnom lokalitetu (adekvatnim mjerama onemogućiti bilo kakvo isticanje i rasipanje opasnih i štetnih materija na tlo i u vode).
- 3.9. Na predmetnoj lokaciji nije dozvoljeno indirektno ispuštanje otpadnih voda u podzemne vode.
- 3.10. Da se nastali otpad na predmetnoj lokaciji prikuplja i privremeno odlaže u skladu sa važećim propisima o postupanju sa otpadom, a za zbrinjavanje istog potpiše ugovor sa ovlaštenom firmom za tu vrstu djelatnosti.
- 3.11. Investitor je obavezan pridržavati se svih mjera i uslova propisanih u saglasnostima i dozvolama, izdatim od strane drugih nadležnih organa, a odnose se na korištenje i zaštitu voda i nisu u suprotnosti sa uslovima iz ove vodne dozvole.
4. Na osnovu utvrđenog stepena zagađenja ispuštenih otpadnih voda izraženog preko broja EBS-a, (ispitivanje urađeno od strane ovlaštene laboratorije) u skladu sa Zakonom o vodama („Službene novine Federacije BiH“, broj 70/06) i Pravilnikom o načinu obračunavanja, postupku i rokovima za obračunavanje i plaćanje i kontrolu izmirivanja obaveza na osnovu opšte vodne naknade i posebnih vodnih naknada, Poglavlje IV („Službene novine Federacije BiH“, broj 92/07, 46/09, 79/11, 88/12 i 03/16), korisnik je obavezan za utvrđeni broj EBS-a prema rezultatima ispitivanja plaćati posebnu vodnu naknadu za zaštitu voda.
5. U periodu važenja ove dozvole, korisnik je dužan provoditi sve mjere i aktivnosti propisane istom.
6. Ukoliko radom predmetnog objekta dođe do šteta ma kakvog karaktera, korisnik vodne dozvole je dužan uzroke nastalih šteta otkloniti, a nastale štete trećim licima nadoknaditi.
7. U slučaju izvanrednih situacija, havarijskih onečišćenja i drugih sličnih okolnosti, čime bi bio ugrožen kvalitet podzemnih i površinskih voda, korisnik objekta obavezan je izvijestiti nadležne organe i izvršiti izvanredna postupanja po nalogu nadležnih organa, te o vlastitom trošku uzroke štete otkloniti, a nastale štete nadoknaditi.
8. Ukoliko usljed štetnog djelovanja voda nastalog zbog neizgrađenosti ili nedovoljne osposobljenosti (zaštitnih) vodnih objekata dođe do nastanka štete na objektima predmetnog objekta sa pratećim sadržajima obuhvaćenim ovom vodnom dozvolom, korisnik zaštitnih vodnih objekata nije odgovoran za nastale štete.
9. Prava stečena po ovoj dozvoli ne mogu se prenositi na treća lica, a ista prestaju u skladu sa odredbama Zakona o vodama.
10. Ova vodna dozvola, shodno članu članu 117. stav (1) Zakona o vodama se daje sa rokom važenja od 5 (pet) godina od dana pravosnažnosti ovog rješenja.
11. Prije isteka važnosti ove dozvole, Investitor je dužan da podnese zahtjev za izdavanje nove vodne dozvole.
12. Ova vodna dozvola može se izmjeniti ukoliko za to nastupe razlozi utvrđeni u članu 130. stav (1) tačka 1., 2., 3. ili 4. Zakona o vodama, a zainteresirane stranke podnesu argumentiran zahtjev.

Obrazloženje

Pravno lice „PERUTNINA PTUJ-BH“ d.o.o. Breza, zahtjevom broj: 740/23 od 10.05.2023 godine se obratilo ovoj Agenciji za donošenje rješenja o vodnoj dozvoli za ispuštanje tehnoloških otpadnih sa lokacije proizvodnog objekta za preradu mesa sa pratećim sadržajima, izgrađenih u ulici Potkrajaska bb, općina Breza, na zemljištu označenom kao k.č. broj: 1070/1, 1070/3, 1070/4, 1466/20, 1466/21, 1466/22, 1466/24 i 1466/27 K.O. Mahala.

U provedenom postupku dostavljena je i pregledana sljedeća dokumentacija:

A. Opšta dokumentacija

- Rješenje o izmjenama podataka u sudskom registru broj: 043-0-Reg-22-001409 od 09.01.2023. godine, od strane Općinskog suda u Zenici –ovjerena kopija,

- Ovjerena kopija Uvjerenja o poreznoj registraciji donesenog od strane Porezne uprave - Kantonalni ured Zenica dana 31.03.2011. godine;
 - Uvjerenje o upisu u Jedinstveni registar obveznika indirektnih poreza br. 04/1-UPJR/1-5718-2/09 od 10.11.2009. godine, izdato od strane Uprave za indirektno-neizravno oporezivanje Banja Luka-ovjerena kopija
 - Kopija uplatnice administrativne takse,
 - Rješenje o upotrebnoj dozvoli broj: 12-23-6804/07 od 27.02.2008. godine izdato od strane Ministarstva za prostorno uređenje, promet i komunikaciju i zaštitu okoline Zeničko-dobojskog kantona-kopija,
 - Rješenje o upotrebnoj dozvoli broj: 12-23-4093/18 od 04.07.2018. godine izdato od strane Ministarstva za prostorno uređenje, promet i komunikaciju i zaštitu okoline Zeničko-dobojskog kantona-kopija,
 - Zaključak o odbacivanju za obnovu okolinske dozvole broj: 12-19-1462-1/22 od 05.12.2022. godine izdato od strane Ministarstva za prostorno uređenje, promet i komunikaciju i zaštitu okoline Zeničko-dobojskog kantona-kopija,
 - Rješenje o vodnoj dozvoli broj: UP-I/25-3-40-235-3/13 od 02.06.2018 godine izdato od strane „Agencije za vodno područje rijeke Save“ Sarajevo,
 - Rješenje o ispunjavanju veterinarsko-zdrastvenih uslova broj: 05-20-6129-2/22 od 11.08.2022 godine izdao od strane Ministarstva za poljoprivredu, šumarstvo i vodoprivredu Zeničko-dobojskog kantona-kopija,
 - Rješenje o ispunjavanju veterinarsko-zdrastvenih uslova broj: UP-I-06-2-20/20-760-3/21 od 12.08.2021 godine izdao od strane Federalnog ministarstva poljoprivrede, vodoprivrede i šumarstva -kopija,
 - Ugovor o izvozu animalnog otpada zaključen sa Agroindustrijskim kombinatom „Bačka Topola“ d.o.o. Bačka Topola dana 17.02.2023 godine,
 - Ugovor o odvozu komunalnog otpada zaključen sa J.P. „Komunalno“ d.o.o. Breza dana 11.04.2023 godine,
 - Ugovor o čišćenju separatora i transportu zauljenog mulja zaključen sa „DELTA PETROL“ d.o.o. Kakanj dana 15.05.2023 godine,
 - Ugovor o zbrinjavanju opasnog otpada zaključen sa „KEMEKO-BH“ d.o.o. Lukavac dana 25.10.2022 godine,
 - Ugovor broj 2481-22-42 za usluge sakupljanja, uklanjanja i prerade nusproizvoda životinjskog porijekla zaključen sa Agrotehnika d.d., Sesvete, Strojarska cesta 11 dana 17.10.2022 godine,
 - Izvještaji o monitoringu kvaliteta i kvantiteta otpadnih voda pogona „Perutnina Ptuj-BH“ d.o.o. Breza urađeni od strane „Inspekt-RGH“ d.o.o. Sarajevo za februar i april 2023 godine,
 - Izvještaj o rezultatima ispitivanja tereta zagađenja otpadnih voda pogona „Perutnina Ptuj-BH“ d.o.o. Breza izraženog preko EBS-a urađen od strane „Inspekt-RGH“ d.o.o. Sarajevo oktobar 2022 godine.
- B. Tehnička dokumentacija
- Tehnološki projekat, urađen od strane „Projekt inženjring“ d.o.o. Ptuj, novembar 2006 godine,
 - Glavni projekat vanjskog uređenja i kanalizacije urađen od strane „Projekt inženjring“ d.o.o. Ptuj, mart 2007 godine (uvid prilikom uviđaja),

Nakon izvršenog uvida u dostavljeni zahtjev i priloženu dokumentaciju utvrđeno je da su uz zahtjev dostavljeni potrebni prilozi, te je ovaj organ u skladu sa odredbama Zakona o upravnom postupku pokrenuo postupak u ovoj upravnoj stvari i u skladu sa članom 12. stav (5) i (6) Pravilnika o sadržaju, obliku, uvjetima, načinu izdavanja i čuvanja vodnih akata, izvršen je obilazak predmetne lokacije i tom prilikom sačinjen zapisnik o uviđaju broj: UP-1/21-3-40-198-2/23 od 08.06.2023. godine.

Uvidom u dostavljenu dokumentaciju i izvršenim uviđajem na licu mjesta može se konstatovati sljedeće:

Lokacija izgrađenog pogona za proizvodnju prehrambenih proizvoda (kapaciteta 6500 t/godinu) se nalazi ulici Potkrajaska bb, općina Breza, na zemljištu označenom kao k.č. broj: 1070/1, 1070/3, 1070/4, 1466/20, 1466/21, 1466/22, 1466/24 i 1466/27 K.O. Mahala.

Osnovna djelatnost proizvodnog pogona je prerada mesa. Tehnološko proces je zasnovan na prijemu sirovog pilećeg mesa, njegovom otkoštavanju, mljevenju, dodavanju određenih emulgatora, začina, mješanju i pakovanju u određenu ambalažu.

Tehnološke otpadne vode u industriji za preradu mesa nastaju u različitim proizvodnim procesima i mogu biti različitog tipa: prilikom prerade mesa, kod pranja podova pogona i opreme koja se koristi kod proizvodnje mesnih prerađevina, iz kotlovnice u procesu proizvodnje vodene pare, iz objekta za pranje vozila i dr.

Za prihvrat tehnoloških otpadnih voda iz procesa prerade mesa „Perutnina Ptuj-BH“ d.o.o. Breza, izgrađen je uređaj za tretman tehnoloških otpadnih voda. Postupak tretmana tehnoloških otpadnih voda se vrši na način da se otpadna voda sakuplja u sabirnom kanalu i pomoću pumpi prebacuje na rotacijsko sito. Na rotacijskom situ se vrši odstranjivanje grubih čestica koje se sakupljaju u kontejnere i zbrinjavaju od strane ovlaštene firme. Nakon rotacijskog sita voda otiče u flotator u kojem se upuhivanjem zraka odvajaju fine čestice i masti iz vode. Prečišćena voda se ispušta preko okna za monitoring u fekalnu kanalizaciju na predmetnoj lokaciji a potom u kanalizacionu mrežu industrijske zone u rijeku Stavnju.

U krugu fabrike, a za potrebe skladištenja lož ulja za vlastite potrebe, kao gorivo za kotlovnice, ukopana je dvoplašna cisterna zapremine $V=50 \text{ m}^3$.

Oborinske vode sa predmetne lokacije se tretiraju na separatorima ulja i masti. Iza separatora je okno za monitoring koje služi za uzimanje uzoraka. Prečišćena otpadna voda iz separatora se preko okna za monitoring, cjevovodom odvodi do na kišni kolektor sa ispustom u rijeku Stavnju.

Snabdijevanje vodom pogona se vrši iz gradskog vodovodnog sistema grada Breza.

Na predmetnoj lokaciji je izgrađen objekat za skladištenje gotovog proizvoda i mesa. U skladištu se ne koristi voda osim u slučaju pranja podova a ista se odvodi na tehnološku kanalizaciju a potom na uređaj za tretman.

Na predmetnoj lokaciji je izgrađena interna plinska stanica za koju su pribavljene potrebne dozvole od strane nadležnih organa.

Izveštaji o ispitivanju kvaliteta i kvantiteta otpadnih voda sa lokacije proizvodnog objekta za preradu mesa i mesa peradi izgrađenog u ulici Potkrajaska bb, općina Breza urađeni od strane „Inspekt-RGH“ d.o.o. Sarajevo pokazuje da su vrijednosti parametara efluenta u skladu sa dozvoljenim vrijednostima propisanim Uredbom.

Teret zagađivanja otpadnih voda izražen preko EBS-a, oktobar 2022 godine, urađen od strane „Inspekt-RGH“ d.o.o. Sarajevo iznosi 530 ES.

Podnosilac zahtjeva je pribavio akt u kome je navedeno da za predmetne pogone i postrojenja nije potrebno pribavljanje okolinske dozvole. U istom aktu su navedene obaveze u slučaju da dođe do promjene /povećanja kapaciteta predmetnog kompleksa.

Podnosilac zahtjeva vrši zbrinjavanje animalnog otpada i nusproizvoda od strane ovlaštenih firmi a prema zaključenom ugovoru sa istim.

Takođe se vrši čišćenje i zbrinjavanje opasnog otpada na predmetnoj lokaciji od strane ovlaštenih firmi u skladu sa zaključenim ugovorima.

Tačka 4. dispozitiva rješenja je propisana u skladu sa tačkama 12. i 29. do 33. Pravilnika o načinu obračunavanja, postupku i rokovima za obračunavanje i plaćanje i kontrolu izmirivanja obaveza na osnovu opšte i posebnih vodnih naknada („Službene novine Federacije BiH“, broj 92/07, 46/09, 79/11 i 88/12) i Odlukom o visini posebnih vodnih naknada („Službene novine Federacije BiH“, broj 46/07).

Na osnovu dostavljene dokumentacije i uviđaja izvršenog na predmetnoj lokaciji, a u svrhu smanjenja negativnih uticaja predmetnog objekta na stanje voda i vodni režim, podnosiocu zahtjeva su ovom vodnom dozvolom u tački 3. dispozitiva Rješenja propisani uslovi u skladu sa odredbama članova 53. i 116. Zakona o vodama, člana 12. i 13. Pravilnika o sadržaju, obliku, uvjetima načinu izdavanja i čuvanja vodnih akata i odredbama, člana 3. tačka cc) i članova 15, 19. i 20. Uredbe o uslovima ispuštanja otpadnih voda u okoliš i sisteme javne kanalizacije.

Na osnovu provedenog postupka konstatuje se da je podnosilac zahtjeva, „PERUTNINA PTUJ-BH“ d.o.o. Breza, ispunio minimum uslova za izdavanje vodne dozvole te je riješeno kao u dispozitivu ovog rješenja.

Podnosilac zahtjeva je, na ime izdavanja ovog vodnog akta, izvršio uplatu federalne pristojbe iz tar. br. 43. Zakona o federalnim upravnim pristojbama i Tarife federalnih upravnih pristojbi («Službene novine Federacije BiH», br. 6/98, 8/00, 45/10 i 43/13).

Uputa o pravnom lijeku:

Protiv ovog rješenja može se uložiti žalba Federalnom ministarstvu poljoprivrede, vodoprivrede i šumarstva, u roku od 15 dana od dana prijema rješenja.

Žalba se podnosi neposredno pismeno ili preporučeno putem pošte ovom organu i taksira se sa 15 KM takse, prema tarifnom broju 3. Tarife federalnih administrativnih taksi.

Obradivač akta: Behija Ahmedić, dipl.inž.tehn.

Po ovlaštenju
Rukovodilac sektora za izdavanje
vodnih akata



Haris Ališehović
Haris Ališehović, dipl.inž.građ.

Dostaviti:

- „PERUTNINA PTUJ-BH“, Potkrajaska bb, Breza (Prilog-tehnička dokumentacija pod tačkom B. obrazloženja ovog Rješenja)
- AVP Sava, ISV-vodna knjiga
- Org.jed. 50
- Org.jed. 40-arhiva
- Oglasna tabla AVP Sava Sarajevo